

**Protocol da la sezzüda dal Cussagl cumünal da lündeschdi,  
24 avuost 2009, a las 20.00, acta 29**

Preschaints: Jon Carl Rauch; Chasper Alexander Felix,  
Marianne Werro-Lehmann, Jachen Andri Schmidt e  
Georg Salomon  
Rico Zini (protocol)

**Tractandas:**

**249. Protocol**

Il Cussagl cumünal approva il protocol da la sezzüda dals 17 avuost 2009, acta 28.

Protocol

**250. Permiss da fabrica – Armon Taverna – Locals laterals – Costa dad Archas B**

Sün dumonda da sar Armon decida il Cussagl cumünal da dar il permiss per far la lavur seguaintamaing:

1. Tenor la dumonda acclus al permiss.
2. Il Cumün inhascha üna taxa da trattamaint da fr. 50.--.

Permiss da fabrica,  
Armon Taverna,  
locals laterals, Chasa B,  
Costa dad Archas

**251. Dumonda da fabrica – VOLG - Chasottel per charins - Plaz**

In connex cul permiss da fabrica per eriger üna staziun da charrins per cumprar aint, conceda il Cussagl cumünal da princip il dret da fabricar sün terrain cumünal cun seguaintas cundiziuns:

Permiss da fabrica,  
VOLG, chasottel per  
charrins, Plaz

- Il permiss vain concess per üna dürada da 5 ons culla pussibilità da prolungaziun, però be per quel scopo.
- In cas d'ün ingrondimaint intern da la butia, ha la staziun da gnir levada.
- La rumida da naiv, intuorn l'indriz, ha da gnir fatta dal fittadin.
- Cur cha l'indriz vain allontanà sto il fittadin metter ad ir la piazza darcheu i'l stadi dad hoz.
- Il fit annual importa fr. 300.--
- Il plan agiunt a la cunvegna fuorma üna part integrala.

Il permiss da fabrica segua davo avair suottascrit la cunvegna.

**252. Permiss da fabrica – Thomas Hugentobler – Lobgia - Chasellas**

Sün dumonda da sar Thomas decida il Cussagl cumünal da dar il permiss per far la lavur seguaintamaing:

1. Tenor la dumonda acclus al permiss.
2. Il Cumün inhascha üna taxa da trattamaint da fr. 50.--.

Permiss da fabrica,  
Thomas Hugentobler,  
lobgia, Chasellas

**254. Drenascha via Tuffarolas – Credit fr. 28'000.-- (net fr. 5'000.--)**

Il schef da vias orientescha cha tschertas drenaschas da la via da Tuffarolas nu mainan plü davent l'aua sco chi tocca. In connex culs s-chavs da la sauaziun po l'intent gnir fat güsta al istess mumaint. La via d'eira gnüda fatta tras l'amegliaziun e quista sanaziun vain cun quai subvenziunada tras quella. Il Cussagl cumünal decida da laschar far quella lavur.

Drenascha via  
Tuffarolas

## 255. Diversas schefs

### 1. Departamaint d'aua

A Spinatscha daja adüna darcheu ruottadüras da la lingia d'aua. In connex culla lavur da la sauaziun as vessa pudü güsta al istess mumaint in quel lö cumadar la lingia d'aua chi perda eir actualmaing darcheu aua. Il schef d'aua orientescha chi's prevezza da refar in Spinatscha üna stricha plü lunga. I nu fa segn da far adüna inavant be flics.

### 2. Auals

Il Cussagl cumünal constatta chi detta auals ingio cha l'aua nu cula inandret davent o illa fosa direcziun. Ils lös vegnan examinats.

### 3. Departamaint da scoula

Marianne Werro orientescha chi saja gnü fat ün nouv uorden disciplinar per la scoula. L'uorden da chasa d'eira gnü fat fingià plü bod. Quists uordens han survgni ils genituors per tour a cogniziun. Implü es gnü elavurà d'üna cumischiun ün palperi cun drets e dovairs pels magisters e pel Cussagl da scoula.

### 4. Via Schigliana – Archas Sot

Cunfinants da la via as fan pissers chi capitta üna jada sün quel traget ün accidaint, impustüt cun veiculs greivs. Tenor lur explicaziuns es quel mür in ün nosch stadi e vess da gnir renovà. Il schef da vias orientescha cha quai saja uschea e cha la lavur saja quist' eivna fingià gnüda fatta. Vezziond cha bainbod gnarà la tonnascha da la via chantunala Scuol – Sent dozzada sün 32 tonnas s'haja da definar bain sün che vias chi's das-cha insomma laschar traffichar in cumün cun camiuns greivs. La via Schigliana – Archas Sura as prevezza da limitar sün 12 tonnas.

### 5. Radunanza d'orientaziun “Promoziun 1. abitaziuns e direcziun 2. abitaziuns”

Il Cussagl cumünal repassa las intimaziuns e las dumondas fattas da Cla Sarott in connex culla radunanza d'infuormaziun chi segua als 27 avuost 2009. Ellas vegnan integradas aint l'orientaziun da quella saira.

Fin da la sezzüda: 22.20

L'actuar: